

Naammagingidjutit:

17-P-00963
 18-P-00981
 18-P-00986
 18-P-00991
 18-P-00993
 18-P-01015

Naammagingittuq: Nunavunmi Havaktit
 Ikajuqtingit

Havagvik: Tamaita – Atugakhani
 Naammagingidjutit

Ihumagijaujuq: Havaakhat Ikajuqtimiutamit
 Ilaliutihimanginnikkut

Ihumaliuqniq: August 22, 2019

Ihivriuqti: Paula Knopf

Hivuagun:

NEU-kut tunihijun amigaittunik atugakhani naammagingidjutinik akiraqtuqhugu Havaktipkaijiup ihumaliurutaanik piijaqtirnikkut kaffiujunik havaanik talvannga NEU-kut havaakhat ikajuutiumiutamin; taimaatun, pidjutiapluni naunaijaffaaqhimaplutin havaakhat imaatun Ilaliutihimangittukkut. Taimaitkaluaqhuni havaakhat ihuigijaujun ihumagijauvaktun ilaliutihimajut uvani NEU havaakhat ikajuqtimiutauplutik qaangiqhimajuni kaffini ukiuni, Havaktipkaiji uqaqtuq havaakhat ikajuqtimiutaujun aallanguqtirniit pijunguq ihuittumin aturutingani uumani maligakkut ilaliutihimanginnikkut maliktakhani ilihimajun uvani *Kavamatkunni Havaktiinni Maligaqmi, S. Nu, 2013, c. 26, s. 55(8)* taapkuat naunaijaqhimajait:

“Una Havakti, taamnaungittuq kihimi Havaktiujut uvani Qulliq Alruyaqtuqtunik Ikumadjutiitkunni, pidjutikhaqangittuq ilaujaami uvani havaakhat ikajiutiujutkunni, talvani, ihumagingani Ministaup, taamna Havakti havaktumi:

- a) Tukliupluni ataungujaupluni, atanngujaupluni uvani Maligaliuqtiit Katimaviani, ikajuqtiupluni tukliq minista, aulapkaaji, avikturhimanirmi aulapkaaji, ikajuqti aulapkaaji, naunaijaqhimajumi nunami aulapkaaji, avikturhimanirmi atanngujaq manikkulluunniit ihivriuqti;
- b) Havagvingmi ilanganiluunniit uvani Maniliqinikkut Aulapkainikkut Katimajiinni Havagviani havaaqaqtun munaridjutiqaqtullu ilaqaqtunik pivallialiurnikkut aulapkainikkullu atugakhanik, havagutinik maliktakhaniklu mighaagun havaktuliqinikkut aulapkaidjutainni, pinahuarutini naunaijarnirniklu, manikkut hivunikhaliurutainni aturutikhanilu tuniuqhaidjutainni;
- c) Havaami tuniuvaktumi ikajuutinik uqaudjiniknikluunniit talvungaqpiaq Ministait Katimajiinnun, katimaviujumun Ministait Katimajiinnun uumungaluunniit katimajimun Ministait Katimaviani;
- d) Taimaittuni maligaliqinikkut havaktiupluni havaamiluunniit tunihivaktuq numiktaqtiunikkut uumunga maligaliqinikkut havaktimun piraanginnaqpakhuni;
- e) Havaami havaaqaqtun munaridjutiqaqtullu ilaqaqtun tunihinikkut uqaudjunirnik ikajurutiniklu, piraanginnaqpakhuni, mighaagun pidjutikhanik qanuriliurutikhaniklu havangnirmi, ilaujullu havaktini tukhirutiinni;
- f) Uvani havaap havaaqaqtun munaridjutiqaqtullu ilaqaqtun havakpaklugin hapkuat piraanginnaqpakhuni:
 - i. Havaktikhaliqiniq
 - ii. Kangiqhidjutikkut havangnikkut kaantraanik
 - iii. Ihuarhainiq havagvingmi ihuigijaujunik
 - iv. Kiuniq nammagijaungidjutinun, imaaluunniit
 - v. Tuniluni uqaudjutinik mighaagun taapkununga ihumagijaujunun uqaqtauhijamajut uvani iluaniittuni-titiraqhimajuni (i) uvunga (iv)

- g) Havaakhami piqaqtumi atanngujaunikkut munarijaqaqtuni ilaqaqtunik tuniuqnikkut havaktakhanik ukununga, naunaijarnikkut havagutainnik ukunani pipkainikkullu huaktuinikkut aallani havaktiujuni;
- h) Kiguhiqijjiupluni taaktiupluni; imaaluunniit
- i) Havaami tunihivakhuni aulapkainikkut titiraliqinikkulluunniit ikajurutinik qaritaujaliqidjutikkut
 - i. Uvunga inungmun ukunani titiraqhimajuni (a), (c), uvaniluunniit (d), imaaluunniit
 - ii. Uvunga inungmun uqaqtauhimajuq ukunani titiraqhimajuni (b), (e), (f), uvaniluunniit (g), mighaagun havaktakhani munarijainnilu uqaqtaujun talvani taapkunani titiraqhimajuni.”

Ihumaliurutit:

Mighaagun pijaqtirnirni havaakhani talvannga havaani ikajuqtiumiutamin piqaqtun havaakhami naunaijautiqaqtun havaktakhani munarijakhanilu pitquidjutiqaqtun havaktikhamun tuniuqnikkut havaktakhanik, havagluni havagutainnik naunaijaqlugin, pipkainikkullu huaktuinikkut; una Ihivriuqti ilitturijuq naammagiplugu una Havaktipkaiji uqaqhuni taapkuat havaakhat naammaktumik pidjutilgit uumunga llangani 55(8)(f) uvanilu (g) ilaliutihimanginnikkut maliktakhani.

Mighaagun pijaqtirnirni Havaktuliqinikkut Havaktimi uumanilu Havaktiliqinikkut Ikajuqtini havaakhani talvannga havaani ikajuqtiumiutamin, una Ihivriuqti ilitturijuq naammagiplugu una Havaktipkaiji. Ikajuqtauplutik havaakhami naunaijautinin naunaiqhimajuninlu, havaktikhat pipkaqtitauraanginnaqtun havaktuliqijikkut, havaktikhaqhiuqlutik, ihuaqhailutik havagvingni ihuigijaujunik, kiulutik naammagijaungidjutinun niuriuktaujuullu tunilutik havaktinun angirutainni uqaudjutinik ikajurutiniklu. Taimaatun, hapkuat havaakhat angummatihimajaa llangani 55(8)(e) uvanilu (f) ilaliutihimanginnikkut maliktakhat.

Ihivriuqningani havaakkut naunaijautini uqautinilu akiraqtuinirni ilaliutihimanginnikkut maliktakhani ukununga Angajukhimi Akiliuhiaqtautikkut Maniliqijimi, Pimmaringnikkut Pidjutikkut Ajuittumi, Akiliuhiani Havagutini Aulapkaijimi, uvanilu Akiliqtuqnikkut / Akiliuhiaqtautikkut Ikajurutikkullu Havaktini havaakhani Ihivriuqti ilitturijuq naammagiplugu una NEU pitquiplunilu tamaita havaakhat utiqtitauffaaqtukhat uumunga NEU havaani ikajuqtiumiutamun atuliqluni September 1, 2019. Ihumaliurutimini Ihivriuqti uqaqtuq, taimatuugaluaq “ittutun ittuq hapkuat inuit uqaudjiujun ikajuqhutiklu taimaatun anginingani havagiami pidjutait hapkununga taimaittunun havaanun ilaliutihimangittukhaq ataani s. 55(8)(e)...[k]ihimi, taimaatun tautungnaittuq havaariqparijamingni havaakkut naunaitkutini avatquhimajullu niriuktauhimajanginni havaani.”

Ajiuqtakhat Ajuiqhimaliqutun:

Taimaitkaluaqhuni havakti havaktaaqtuq havaanik avatquhimajunik havaktakhainnik munarijainniklu titiraqhimajut piutimiknik havaakkut naunaitkutimikni taapkuat angumajungnarhijut ilaliutihimanginnikkut maliktakhani titiraqhimajuni llangani 55(8) ikajuutaujaami havaktikhainnirun ukunanilu / ukunaniluunniit ilihimanginnikkut, taimaatun hapkuat ilaliutihimajun havagutit avatqutpiaqhimagumik niriuktaujunik havaami tahamaniingittullu havaakkut naunaijarutimi naammangittuq Havaktipkaijimi ihumaliuriami taapkuat havaakhat angumadjutijut uumunga ilaliutihimanginnikkut maliktakhanut.

Munarijaa Havaktipkaijiup pipkainikkut havaktukhat havaktut iluani niriuktauhimadjutini havaap havaakkut naunaijarutani, tuninikkut ajuirharutikhanik havaktukhanun taapkunani qanurittuni hunani munarijainni havaktakhainni taimaatun mikhilaaqtirnikkut havakpiaqparutainnik aallanin, ihivriuqlugillu tahamaniittun iviqtihiimanikkut pidjutit, havaakkut niriuktaujun, naunaitkutinilu pipkainikkut ihuaqtunik tuniuqhaitinin munarijainnik.